



# КОМСОМОЛОНЬ ВАЙГЯЛЬ

ВЛКСМ-нь МОРДОВСКИЙ ОБНОМТЬ И САРАНСКИЙНЬ ГОРНОМТЬ ГАЗЕТАСНА

ИЮЛЬ  
3-це шистонза  
1941 кизоня  
74(1870)  
Питнец 10 тр.

## СОВЕТСКИЙ ИНФОРМБЮРОТЬ ЭЗДА

(1-це июльста шинь сообщениясь)

1-це июлень карша веть молюсь бойхть Мурманский, Двинский, Бобруйский и Луцкий направлениямь эса.

Фронтъ лия направлениямь эса молюсь разведчиконь вень поиск и лицендема.

Мурманский направления противники удалась аф ламда теснандамс минь частеньконь, но сядя тов сонь молемац лоткафть и минь наземнай войсканьконь и авиацияньконь ударсон ала противники канды оцю юмафкст.

Двинский направления противники нолясь свежай подвижной войска, конатненди минь авиацияньке тись лама ви удар воздуха.

Минский и Бобруйский направления эса веньберф минь войсканьке молюсь бойхть противники подвижной частензон каршес, аф нолямось восток шири. Бойса примсесть участия пехотася, артиллериясь, танкатне и авиациясь.

Луцкий направления, Ровнонь района, минь войсканьке лоткафтозь противники танковой соединениямь восток шири молемазон. Минь танковой частеньконь контратакасон вельде противники канды оцю юмафкст.

Фронтъ лия направлениямь эса минь войсканьке стаки кирнесазь эсь кядьсост госграницать, синь тапсесазь противники лама атаканзон.

Минь авиацияньке тись ви удархт противники танковой и моторизованнай войсказонды Двинский, Слуцкий и Луцкий направлениямь эса.

Авиациять действиизон результатонза точнайгофневихть.

\*\*\*

Н-ский эскадрильясь получаь задания мафтомс фашистский танкань группать 3. местечкач мала. Танкатне молюсь лять кувалмос. Вражеский танкатненд лангс васендакиге прасть старшей лейтенанть Михайловъ самолетта бомбатне. Эскадрилья дружнай налетонц вельде танкатне ульсь марнек тапафт. Тя шиня эскадрильясь тапась 27 танка.

\*\*\*

Пленц фатяф ламоц немецне, а тифта жа солдатне-перебескине корхтайхть, што сембе синь пях сизсезь войнать эзда и воявайхть вихца кошардозь. Расстрелонь угрозась—вов мезе паньцамазь минь войнати,—марьгс Иоган В.—Германский народсь сизсезь войнать, вачашить и страданиямь эзда. Сонь ашель и аш мялец воявамс советский Россиять каршес.

\*\*\*

Советский патриотне макссесазь сембе вийсон сян инкса, штоба инь курононь пингста пяхкодемс фронтонь закасень. Московский фкя заводста токарсь—расточниксь Забузов ялгась получаь ответственный задания—срочна анокламе 100 цилиндра. Тянди нормас коре эрявсь 500-шка рабочей част. Забузов ялгась, фкя пингста работамок кафта станокса, вете шит ашезь тушенда заводста, мзяре ашезе пяхкодъ заданиять. Работась тиф отлучнай качестваса.

\*\*\*

Лейтенанть Пасынковъ ротанц Н. высотать маласа атакандазе вийс коре сядя оцю противниксь. Немецкий

солдатне кружась ротать. Стремительнай контратакаса фашистне ульсь тапафт и ворагодсть. Сядя меле врагсь тусь хитроетьс. Ташта лапазе ульсь катф оцю засада. Но боецне взводонь командирть Самохинъ команданц ала кружась лапазь. Меткой гранатометчикне машфтозь засадав кяшф врагть.

\*\*\*

28-це июньста Н-ский эскадрилья самолетон тусь разведкас. Молемок брющай полетса, самолетсь апак учт васедсь „До-17“ фашистский бомбардировщикъ мархта, кона тяфта жа лийсь брющай полетса. Самолетъ командиръ—старшей лейтенанть Лобанов нюрхкая очереда пратфозе вражеский бомбардировщикъ. Фашистский самолетсь кевкс прась модать лангс, сон ашезь кенерь лянцемс вестенге. Лиемок сядя тов, экипажсь лянцендезе и панезе противники нинге фкя самолетонц, срафтозень пехотать и машинатненд скоплениясон и, добувамок лама пях цебарь разведывательнай даннайхть, благополучна валгсь эсь аэродромонцы.

\*\*\*

Карело-Финский ССР-са фкя озерать лангс противники валхть гидросамолетста десант 40 шка ломаньца. Диверсионнай группать марнек машфтозь минь пограничничоньке.

\*\*\*

Шахтерсь Мерзляков, кона работась Красноярский крайса угольной шахтатненд эса, тусь Красной Армиять районзонды. Сонь рывац арась шахтаса мирденц васте. Васень шитненд эздакиге Мерзлякова ялгась пяхкоткшнесыне выработкань норманзон 150 процентс. Фронтъ туф шахтерхненд рывасна ушедсть работам мирдсон васте. Сембе синь вельф пяхкоткшнесазь уголень добувама планть.

\*\*\*

Земной шартъ сембе востонзон эзда сашенды пях лама приветствия Советский народти. Наука, искусствань и литературань инь цебарь ломатне, марнек передовой человечествась пях кеняртышши советский народъ мужест ванцы и единениянцы, кона кеподсь великий отечественнай войнати фашистский захватчикненд каршес. Лондонца советский посольствась получахши пях лама сэрма, резолюция и телеграмма, конатненд эса азонкшнени уверенность сянди, што Советский Союзсь сясисыне фашистский агрессорхненд. Ся резолюция эса, кона примаф Френделл английский ошса массовой митингса, корхтати: «Минь приветствуем советский правительствать действиизон и арьсетама, штоба фашистне ульехть тайф масторть лангста».

СССР-ть дружианзон чешский обшество лондонский отделения эсь сэрмасонза корхтай: «Врагсь ви, но аш сомнениат, што тинь сясектада. Минь верондатама Красной Армиять великий традициязонды и убежденнайхтям сянди, што сон ламонь крда касфтс Суворовъ славанц. Чехословакненд сидина пяхксет восхищенияда Красной Армиять инголе. Минь гордимсь, што ули дружбаке русский народъ мархта и кучсетама тейнза победань пожеланият». США са ульсь Советский Союзъ мархта солидарностень пяхлама митинк и демонстрацият.

## ОБОРОНАНЬ ГОСУДАРСТВЕННАЙ КОМИТЕТТЪ ОБРАЗОВАДАМАЦ

Сяс мес тиевсь чрезвычайнай положения и СССР-нь нароттненд сембе вийсон вишкста мобилизовандамасон инкса, штоба тиемс отпор врагти, кона вероломна тись нападения минь родинаньконь лангс, СССР-нь Верховнай Советъ Президиумон, ВКП(б)-нь Центральной Комитетъ и СССР-нь Народнай Комиссаронь Советъ лувозь эрявиксонди:

1. Создать Оборонань Государственной Комитет тяфтама составса:

И. В. Сталин ялгась (председательс).

В. М. Молотов ялгась (председатель заместителей).

К. Е. Ворошилов ялгась.

Г. М. Маленков ялгась.

А. П. Берия ялгась.

2. Сосредоточить госуларствать эса марнек властть Оборонань Государственной Комитетъ кядьс.

3. Обязать сембе граждаттненд и сембе партийнай, советский, комсомольский и военной оргаттненд беспрекословна пяхкоткшнемс Оборонань Государственной Комитетъ решениязон и распоряжениянзон.

СССР-нь Верховнай Советъ Президиумон председателец

М. И. КАЛИНИН.

ССР-нь Союзонь Совнаркомъ председателец и ВКП(б)-нь ЦК-ть секретарец

И. В. СТАЛИН.

Моску, Кремль. 1941 кизонь 30-це июньста.

## СОВЕТСКИЙ ИНФОРМБЮРОТЬ ЭЗДА

(Иляденъ сообщениясь)

1-це июльста шить минь войсканьке вятать упорнай бойхть Мурманский, Кексгольмский, Двинский, Минский и Луцкий направлениямь эса. Фронтонь лядькс направлениямь и участкатненд эса минь войсканьке кирнесазь эсь кядьсост госграницать и молюсь тюрема противники каршес, кона ёразе нарушандамс госграницать.

Мурманский направления минь войсканьке пях вишке бойса кирнесазь вийс коре сядя оцю противники молемазон.

Кексгольмский направления противники лама вастова ушедсь молюсь теме наступления и ёрась яцемс минь территорияньконди. Минь войсканьконь решительнай контрударсон вельде противники атаканза ульсь тапафт тейнза оцю юмафкс мархта.

Двинский направления минь частеньке молюсь вишке бойхть противники танканзон и пехотанц каршес, аф нолямось сонъ Западной Двина лять переправанзонды ялеме.

Минский направления молюсь бойхть противники подвижной частензон каршес. Минь войсканьке, келиста применядакшнемом заграждениямь и контрудархненд, кирнесазь противники танковой частензон молемазон, тиендихть тейт оцю поражение.

Луцкий направления минь войсканьке лоткафтозь противники крупнай танковой соединениямь наступлениясон. Тя направления лама шинь бойхненд пингста противниксь кандь оцю юмафкст ломаньца и материальной частса.

Йотафнемом эряфс планомернай потамать, приказъ коряс, минь войсканьке кадозь Львовъ.

Минь авиацияньконь действиизон колга даннайхненд лувомдост меле содавь, што 30-це июньста прафть 56 немецкий самолет, синь эздост 50-нь воздушнай бойхненд эса. Минь юмафтоме 17 самолет.

\*\*\*

Минь родинаньконь коварнай врагонц каршес тюремста героический советский танкистне, артиллеристне и пехотинецне, сяскондемком лама трудностненд, самоотверженна тюрехть родной моданьконь эрь аськолсонц

инкса. Н-ский соединениямь частьтненд атакандакшнени вийс коре сядя оцю противниксь, но синь шиньберф кирнесазь пях цебарьста вооружандаф врагть натисконц. Фашистне ламоксь тиендсть атакат, но сембе пингть синь ёравсть эсь позициясонды. Фкя шиста немецне юмафть 50 танка. Н-ский стрелковой подразделениемь боецне тапасть 6 вражеский танкат. Утешин ялгать командованиянц ала противотанковой батарее фкя бойса тапазень врагть 8 танканзон.

\*\*\*

Карельский перешейка фкя участкасонза белофинонь батальонъ ётазе минь границаньконь. Н-ский полконь стрелковой батальонъ ушедсь молюсь теме бой врагть каршес и потафтозе сонъ. Врагсь юмафть 3 танкат и 100 шка ломань шавфса и ранендафса. Батальонъ боецонза фатясть 5 пленнайхть, конат ульсь предьстот.

\*\*\*

Противники каршес тюремста советский летчикне няфнихть смелость и инициатива, конат свойственнайхть минь народоньконди. Пикирующей бомбардировщиконь подразделениемь командиронц капитанъ Воронинъ няезе противники танковой колоннац, кона ашесь вирьнать маласа. Самолетне тисть нападения. Но тя пингть туцятненд омбокта лиссь «Мессершмитт» германский истребительнень группа. Советский летчикне фкя пингста ушедсть молюсь теме бой наземнай и воздушнай противники каршес. Тиендемком удархт немецкий истребительхненди, бомбардировщикне ётнесть пикированиямь и вельхнезь бомбаса вражеский танкатненд. Противники танковой колоннац ульсь срафть. Сражениямь паксать лангс лядсь лама кемонь тапаф немецкий машина. Свежай танкатненд мельге паньць скоростнай бомбардировщикне. Советский авиациясь ашезь юмафта фкявок машина.

\*\*\*

Германский информационнай бюрось ноляй васькафнемань сообщения сянъ

(Полатксон омбоце страницаса).



# Советский информбюрошь эзда

(Илядень сообщениась)

колга, што железнодорожный составъ ляцендемста советский пилотне бта применявдакшность дум-дум разрывной пулат. Кода няеви ты провокационный сообщениать ули целец, штоба сёпоме эсь замысласон и кяшеме следснот.

\*\*\*

Германский информационный бюрось азонкшни бредовой измышления сянъ колга, што бта воздушной бойхнень пингста советский бомбардировщикнень ульсть германский опознавательный знаксн. Тя—германский пропагандать очередной фальшивкац.

\*\*\*

Бессарабиять территории суваме румыно-немецкий войскактнень сембе попыткасна тапсевичть минь боецоньконь мужествоснонды и вииснонды. Гитлеронь румынский холопонза, кулхондомок фашисттнень хвастливый пропагандаснон, надиясть «молниеносна» ётамс немецкий войскактнень мельге Бессарабиять эзга. Но румынский генералхне, конатнень дураскафтозень Гитлер, пяк эльбядеть. Немецкий офицерхневихца паньцаз эсь частснон инголе румытнень идеста смерти. Деморализованной румынский солдаттнень фашисттне гравсесаз ляцендемс фталда пулеметста. Наступающей румынский

подразделениятнень мельге молихть немецкий пулеметчикт.

\*\*\*

Лаксятнень эса самоотверженной работаса, урожайть цебарьста урядаманц и государствать инголе обязательстватнень сротка инголе пашкодемаснон вельде колхознай крестьянствасъ лезни Краснай Армияти тапамс фашистский полчишатнень. Крымский АССР-нь Курманский МТС-са урожайть урядамаса перебойфема работайхть сембе комбайнатне и лобогрейкатне. Армияв туф комбайнерхнень полафтозъ аватне. Чкаловский райононь «Колос» артельть колхозниконза, конат арасть фронту туф трактористтнень васте, работань нормаснон пашкоткшнесаз вельф.

\*\*\*

«Красный экскаватор» Киевский заводъ стахановецон Бондарь ялгасъ максъ обязательства эрь шиня пашкоткшнемс эсь норманц и Краснай Армияв сывф ялганц норманц. Васенце шитькиге Бондарь ялгасъ пашкодезе сменанъ заданиянц 555 проценте, а омбоце шиня—600 проценте. Пльичть лемса железоруднай шахтань горнякне (Кривой Рог) сротка инголе пашкодезь руданъ таргамаса сисем коновъ планцон. Бурщикъ Алексей Семиволос эрь шиня максси 5—6 нормат.

Ф. Дурнов

## 22-де ИЮНЬЦТА

— Граждатт, гражданкат!

Кулхондода!—

Корхтай

Молотов!—

Обед кучканянь радионьке сергыдсь.

И сетьмось кудсь,

И кизонекс

полафтовсть,

И ётась ронгованок

строгай, эше эрьга.

Виде валхт!

Синь, кода полководецт, виихть!

Тихтедсь минь инголенк

сембе мирсь.

Кархпиганцна

каннибалхнень \*)

родиназонк лихть

и паця алоот

разбойнай смерть

синь кирдеть.

И кшниса, толса тапаф

авань,

идень

палхт ни

Учи

варварский, языческий кумирсь.

Нинге Лецин тонафнемазъ

минь:

тя ули!

Гейнень \*) шавиенза

лангозонк врьгятьсь...

...Пизем.

Путьксне

прашендсть

кивинь пуляке!

асфальтста меки

осколкакс ляцеть.

Геростратт! \*\*)

Историять

Сякокс аф тиндейхть тяшнемс—

Тинь паньфт

писателевте

тоста сембе,

Эздонт синь,

минь братьянеке,

палонк кяшентьфт;

И синь тьса трудайхть,

топоцотот,

и вастсна лямбе.

Да... дикарьхне

разумти,

свободати

врьгятьсь.

И бохсна

жадной ванфса

учи

вяры палхт ни,

Но повесть!

Синь ашестъ ётав

орудиянь вирьге,

А менельстотнень

соколоньке

вишкста валхнихть.

Трвасна ялганень

кемоста люпштафт...

Тя бойса

мон

кали фталу лятфан?

Аф!

Монь перазе

оржа ялганцы

срхкаф,

Винтовказень—армейскийть—

номеронц мон лятфань.

25. VI. 41 к.

\* Каннибалс—ломаньда ярхцай ломань, лиякс шарьхкодезь, ломанень веронь шу-дефти.

\* Гейне Генрих—великий революционной немецкий поэт, фашистне пхтась сонь сембе сочинениянзон, а тейнза путф памятникнень срафтозъ.

\*\* Геростратс—грек, конац эрьсь минь зрадонк ингольденъ IV векста; преданиятнень азондомаснон коряс, сон плхтась Эфес ошста Артемидань храмонц (знаменитай библиотекать) аныцек сянкса, штоба кода-кода сатомс слава.



Саранский МТС-ть видеса организовандафт трактористкань курст.

СНИМКАСА: Кержи ширде видити. Васенце рядса—Замотина Катясь, Калашникова Марусясь, Фролова Аннась, Князева Аннась. Омбоце рядса—Рахманова Аннась, Михеева Шурась, Медянкина Верась.

Фотось П. Ивановть.

## Ульхтыма дисциплинированнайкс и организованнайкс

Кулемок радио вльде СССР-нь Совнаркомть Председателенц заместителенц и Иностраннай тевонь Народнай Комиссарть В. М. Молотов ялгать заявлени-янц минь социалистический родинань-конь лангс фашизманы бандатнень на-паденияснон колга, Рузавекань желез-нодородной депонь рабочайхне пу-ромсь митинге.

Павельев токарсь эсь выступлени-сонза сергыдзень рабочайхнень бди-тельности, трудонь оцю производитель-ностень сатомати.

«Мон сявондьян эсь лангозон обяза-тельства пашкоткшнемс производст-веннай нормазень 300 проценте, а кда эрявксты родинати эсь станоконень полафста пулемет лангс и пощадафто-ма карман пиксома чужеземнай захват-чикнень, конат смедондасть нарушан-дамс великий Советский государствать границанзон».

Киселев машинистсь сергытькшне-сыне транспортникнень организован-ности, дисциплинированности сянъ инкса, штоба лездомс минь доблестнай Краснай Армиянконди тапамс врагть. Эсь резолюциясост рабочайхне сёр-

мадыхть: «Минь, рабочайхне, служа-чайхне и трудовой интеллигенциясь карматам честнайста и добросовест-найста работама эсь постсонк, кеподь-саськ трудонь производительностень-конь и тянь мархта лездтама сатомс-сяда курукста фашизмать лангса минь Краснай Армиянконь победанц».

Митингта меле рабочайхне оцю вииса кярмодсть работати. Аф кржа рабочай ламода вельф пашкодезь тейст максф производственной нормать. Акимов ма-шинистсь вельф пашкоткшнесы ско-ростть, сон оцю сатфкс мархта вятни тяжеловеснай поездт и экспресст. Тяф-тама жа оцю показателхть няфнихть Кошкин, Честнов машинисттне.

Слесарьхне Баротин, Кортмазов, Ки-чаткин, Грачев ялгатне агрессивхнень нападенияснонды ответонди нормаснон паровозонь ремонтса пашкоткшнесазъ 250 процентста сявомок 314 процентти модемс.

Рабочайхнень самоотверженной труд-сна ащи фкия инь важнай условиякс врагть лангса победань сатомати.

Беспалова.

## НАРОДОНЬКОНЬ ГНЕВОЦ

Ковылкина. Райононь трудячайхне оцю негодованияса васьфтезь герман-ский фашизмать вероломстванц колга кулять.

СССР-нь Совнаркомть председателенц заместителенц и Иностраннай Тевонь Народнай Комиссарть Молотов ялгать радио вельде выступленидонза меле «Красная пресня» совхозса митинге пуромсь 440 ломань. Ковылкина посел-каса таксажа шиня пуромсь 400 ломань митинге, кося азозь эсь ненавистьснон агрессивоти и эсь анокиснон любо-вай минутаста партиять и правитель-ствать зовснон коряс араме минь кель-гома социалистический родинаньконь аралама.

Райсоветонь депутаттне, конат тя шиня ульсть сессияса, эсь резолюция-сост сёрмадыхть.

«Германиять зарвавший фашистский правителензон атак марисек провока-цияснон каршес минь отечатама еди-най сплоченностьса и родинанконди преданностьса. Мобилизовандасаськ райононь рабочайхнень, колхозникнень

и интеллигенциять трудонь произво-дительностть нинге сядонга пяк кепо-деманыть, трудовой дисциплинавать ке-моксаманцы сянъ инкса, штоба паш-кодеме промфинпланть, урядаме козя урожайть вюрхьян пингста и цебарь-качестваса.

Минь пяк верондатама сянди, што Рабоче-Крестьянский Краснай Армиясь тапасыне германский захватчикнень войскаснон, конат шятясть минь свя-щенной моданьконь лангс. Тя надия-мась минь воодушевляет кемоста, пу-ропнесамазъ большевистский партиять и минь мудрай вожденьконь Сталин ял-гать перьф.

Одобряем Советский правительствать решительнай действиянзон и кда эряв-ксты любой частоне и минутане сембе кода фкия араатама кельгома отчизнань-конь аралама».

Абакумова.

Врид ответ. редакторсь И. БЕЛОВ.